

近代中國史料叢刊續編第十七輯
沈雲龍主編

柳州府君年譜

楊曾勛編

文海出版社
有限公司
印行

柳州府君年譜

癸卯初夏

無錫楊氏直系世系圖

叔虞—變—寧族—服人—福—宜白—司徒—籍—費生—成師—鱣—偁—伯僑—文—突—職

肸晉叔向食邑於楊是為受姓之始—季夙—道—忠—業—讚—祿—美—惠—元—温—志—章—欸—碩—喜

敷—胤—傲—忠—譚—實—震字伯超漢太尉世稱關西孔子—奉—勇—纂—品—國—襲—林—鉉—結—繼

暉—恩—鈞—寬—文—紀—孝—儼—弘—毅—珪—冠—俗—太—清—於—陵字達夫唐宰相居長安新昌里是為新昌始祖

新昌始祖直系世系圖

於—陵—嗣—復—授—然—灝—守—信—知—禮—仁—儼—礪—燁—階—申—紘—慶—邦—父字暉稷宋建康通判殉金

勞難賜諡忠襄是為鴻山第一世祖

鴻山始祖直系世系圖

邦—父—璿字伯璿—澤—燧—宗—達—震—發—文—炳—璫—詎—勉—仁—子—震

寺頭支直系世系圖

子—震—伯—琰—時—順—轅—徽—鐸—源—茂—林—英

遷城支直系世系圖

英—文—叔—紹—雍鴻森公—銘—敦綱章公—繩—淮月川公—廷—榕夢園公—熾—耀寧公—德—塤伯吹公—鉞—文—威—春—池秋苑公

—柳州府君

無錫楊氏直系世系圖

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



祖德

柳州府君遺著

某年幼生既晚不能深知祖德嘗聞先大母顧太恭人所述先七世祖綱章公官河南湯陰縣知縣歲旱請賑先開常平倉濟糶大吏怒其擅動倉穀既登白簡且責令賠補公歸家鬻良田三百畝得資以補倉穀湯陰人感之後從祀湯陰名宦祠五世祖蓼園公以進士官廣西臨桂縣知縣以抗直不容上官罷官歷佐兩江幕府既歿家無餘財高祖耀亭公早卒高祖母顧太宜人持家嚴正勤儉有法曾祖欣園公兄弟四人公第三時家甚貧且歲荒穀踊貴太宜人躬自績織爲諸子延師讀惟師飯米諸子皆雜以豆餅糠覈師既憐諸子時食諸弟子雜飯輟飯以分食諸弟子偶得蝦魚諸子不肯食嘗藏之置牀頭諸兄弟分食若得異珍每日諸子讀畢令舂米供明日師飯以爲常族中有囊博者其子弟所得既贏常鮮衣家華食太宜人嚴禁諸子不得偶窺視諸子亦相戒足不履其闕不敢違母訓也欣園公既仕宦家稍豐然終身儉約如窮困時節嗇衣食置義田五十餘畝以贍本支之貧無力者爲嫁娶養葬之資又建宗祠於惠山所置田產皆得之募游時館穀爲多至仕宦後未嘗有餘錢入家先大父文威公年二十五先曾祖歿咸豐庚申粵逆陷無錫先大母顧太恭人在堂顯考思齋公服官浙江聞亂回里顧太恭人挈家走江北通州呂四場徙泰州踰年徙興化高家莊家貲蕩盡時先妣顧恭人庶母陸孺人不肖兄弟姊妹凡九人大小僕媪二十餘口食不給常食粥雜以芋菽仍延師不廢讀晨起大母親檢米膚之最精者爲餅以

食諸孫諸兄弟起人持一餅噉食卽進塾如是者凡五年至同治三年官軍克復無錫明年夏顯考乃奉太恭人回里稍整理舊產業仍屢空然視亂離時稍裕矣皆得之先大母稱述及不肖幼時身所親歷者今日幸得通籍敢一日忘諸也耶光緒十八年十二月仁山楊楷書於武昌鐵政局

己未隨筆一則

柳州府君遺著

先祖父文威公諱鉞性靜默恪遵程朱非禮勿履工古文辭道光三年入學第一名二十五歲而歿自戒云絕眾慾閑其生慎百爲心常平終身守此號庶卒爲名教之完人戒妻云順而正婦之職勤而儉量入以爲出願同心守此號行之偕老而勿輟戒子云小時了了大未必佳人言可畏也勿自納於邪

思齋先生治甯遺蹟

柳州府君遺著

嗚呼小子楷今年二十有七歲矣其得侍先大夫之日纔三數年耳自五歲庚申逢兵燹先大夫挈家走江北常負劍以行旣而奉檄渡江籌軍餉常昭閩閩三年王師克無錫全家返里時小子甫十歲薈薈未有知識也明年先大夫請咨赴浙歷委辦鎮海塘棲釐捐局務或數年不一歸歸或數日卽去壬申之夏先大夫丁大母願太恭人憂回籍守制哀毀之餘輒爲楷等道離亂事及生平得力之處於先大夫持躬問世之道乃得稍窺一二乙亥服闋返浙丁丑二月先大夫卽眞知海甯州事小子隨侍至任距去任之日凡三年蓋自同治中興一二名臣力矯闖茸之習以振飭吏民爲己任迷之者或不知其意遂流爲操

切且有外襲其名以售貪婪者先大夫惻然傷之故其爲治不斤斤興利除弊惟以清源敦本與民相習而相安自縉紳以下及鄉曲編氓愚夫愚婦無不同聲感頌太息稱其仁賢而叩其政績顯耀卓著可動上聽而入薦牘者則皆皇然莫得其所指蓋浸淫於和風甘雨之中如飲醇醪不知其醉其道齊之術皆在刑政之先而化於無形者有如此宋蘇子瞻論仁宗徒以德澤在人風俗知義升遐之日天下歸仁雖治天下與治百里鉅細若相懸而其意之異者蓋寡矣昔陸清獻令嘉定巡撫慕天顏劾其催科不力清獻與人書曰此事流傳恐功名之士遂將以寬厚爲殷鑒其害匪細由此言之彼高官厚祿爲天子牧斯民者願以寬厚爲大咎使與庸懦齷齪之輩一概而相量誠不知其何心也小子隨任讀書於簿書期會之事未嘗稍預竊就見聞所及默誌其中心悅而誠服者得若干條繼又追念前徵并州人之去思者又若干條綜而錄之名曰治甯遺蹟不敢溢美以轉沒先人之善先大夫中年嘗取古人進思盡忠退思補過之義額其室曰思齋稱先生者從文文山譜年之例也小子自傷孤露獲侍之日淺不足以述先大夫於萬一以後誓當謹身勵行期無忝所生庶當世之君子不致因其人而輕弃其言乎至先大夫平日服官居鄉治家言行小子所未及知者尙多皆有待蒐輯不能盡述願以異日光緒八年九月望日小子楷泣血謹敘

一日盛暑有役繫賭博四人至先生久之不出至晚乃訊之曰中途暑熱再受扑責易致傷生故遲之俟晚涼爾

海甯臨海塘工夫卒多台州人梟悍好鬪有犯事者先生每與杖責不令荷校曰此輩以工作爲生荷校

一月餓死一家矣且恐流爲盜賊不可不慮

先生嘗外出有負米者不及避導役以手推之仆先生責之曰此人犯導本出無心負重而仆必受重傷呼行杖役再三叩首乃已

邑有宋某爲夷商購蠶繭大妨捐務當事密囑以他事案之先生不肯曰有妨捐務可以嚴治若借他事義所不爲

先生秉性和厚有同寅某始相齟齬先生未嘗與較久之亦心服曰楊君固是忠厚老實人

先生治事不尙威嚴與百姓語常恂恂如家人父子惟恐其傷和藹之意溢於言外故旣去民之感頌不衰

邑旣通海多盜賊凡在嘉湖犯事者率從間道由邑入海先生捐貲設巡船分四隊以時巡緝四境閭里村郭罔不周遍闔邑大安終先生之任報盜者纔兩案卒皆在他邑協獲由巡船兜緝不能出海故也桐鄉縣囚越獄盡逃有兩囚至甯爲役所獲凡獲兩名例得加級先生移文還之絕不言功曰此關寅誼安能邀紀錄以彰人咎耶

邑民承先生指完漕米色圓潔爲通省最糧道胡公毓筠特於海運案內敘保以風勵僚屬奉旨賞加四品銜先生未嘗干求也

甯俗信巫覡病家不問醫藥先求禱祀巫覡率揣其肥瘠以魚肉之所費輒至數十百千有傾家者先生爲之厲禁曰此真糜費且荒民功非務本之道也由是凡諸祠報賽亦十減七八

俗尙勤儉婦女無華麗之飾蠶桑之利甲於一省官民相安無事獄訟日減堂皇決事月不二三先生每顧而樂之曰得與斯民爲緣天也每見官場相話輒謂俗敝民刁以掩其治績之不彰者視先生蓋有愧焉

先生鑒晉豫之災上書梅小岩中丞言積穀事宜適任彼園方伯至浙遂力行舉辦浙省積穀之議自先生倡之也

海甯額征錢糧共九萬有奇掌徵比數者曰牌書歲時簽點舊有牌規八百餘金先生拒不受曰取之何以禁其舞弊乎然亦不明革之曰吾不以是博清名也後之來者或變本加厲焉則是階之害矣

倉中用費共錢四千餘串前任多不實發先生令全給之曰使公私皆有餘財庶弊可絕也故先生三屆辦漕米粒乾潔爲通省冠無飛米霉爛之患由能見其大也

先生不以清廉自矜曰吏之廉也猶女子之貞也爲女子而以貞自矜不爲人所竊笑乎

先生待獄囚特寬以時巡視獄中春夏之交命獄卒多薰朮以僻穢氣向例冬至日給囚棉衣袴各一先生改於十月朔日給發曰甯早其期毋使囚號寒也

海甯人士習於詞章勤講經世根柢之學先生延海鹽朱鏡香先生主講安瀾書院更於朔望兩課之外添設小課講明古學一時頗有興起者刻有安瀾書院課藝由鏡香先生點定

丁丑歲歉先生據實揭報上游駁減幕友請再核先生曰吾旣已許民豈可負之爲民任之而已是役也計共任米九百餘石銀一千八百餘兩然先生終不與人言也

尖山之東濱海有地曰大小山圩土塘久圯潮水內灌田半荒蕪先生改建石塘請於當事取塘石之不

中程者爲之

塘工章程以石長二尺濶一尺者爲程不中程者勿用

其價既廉事功易集於是兩圩遂無沖刷之患

己卯大旱上河水涸先生牒杭州水利通判放西湖開水以救民田飭差巡視上流壅阻水五日而至百姓籲呼聲聞數十里桔槔相屬槁禾以蘇

早時先生素食步禱諸祠默以己所行事一一檢點自訴於神每禱必小雨至十五日甘霖大沛乃罷禱謝神

上河承西湖下流地高亢歲久多淤阻先生具稟撫臣請仿省中用練勇挑河之例乘早挑挖器械諸費捐廉備辦會得雨水漲無何梅小岩中丞去任遂不果

邑承旱災之後百物騰貴民力疲敝先生不忍苛追錢糧籌墊日多去任時計共墊銀七千餘金所移積穀等欸一無所措爲後任稟訐幾登白簡先生竭力屏營不足更貸之親戚以歸其欸以是家更大落

先生在任三年未嘗寄一錢回里惟婚兩兒嫁兩女資用均仰給於官先生猶自謂人負官官不負人時以此自勵也

早時禁宰殺有犯屠者厨司朱姓強取其肉先生欲責之既而貰之曰此人目有兇相法當不善死恐適逢其會也後年餘其人果以與人角口服毒死

先生下車訪知陳石民先生名砥管芷湘先生名崇芬爲邑中碩德學養兼優後生矜式先生特敬禮之每事必諮而後行至先生去任而兩先生先後殂謝先生每言及之未嘗不太息痛耆舊之難得也

先生以催征不力經大吏撤令回省察看當去任時紳民公送頌牌曰直道召父願借寇君又於州署大堂前懸匾額曰還我使君蓋誌實也先生之得民蓋可見已

先生爲政率性而行不求稱譽毫無圭角而人不可干以私縉紳中間有一二以直道懷不悅者鄉曲婦孺則無不感頌太息望其再來斯豈才能要結者所能至此

先生在省答長安陳仲詡名惟榮書曰自惟德薄才涼固宜考居下下省垣聽鼓此中況味本自慣嘗惟

聞珂鄉父老每有念舊宰之情而時深淒戀者則不免惓惓耳嗚呼先生之繫念斯民未嘗一日忘也

辛巳夏楷自杭回里路出長安鎮見鄉民聚談歷數先生惠政爲民受過不覺有泣下者初不知楷之爲先生子也爲黯然而久之嗚呼非斯民三代之公乎

楷自海甯雇舟至石門舟子孫姓曰此非楊公之子乎殷勤甚至途中問先生政體安否願自珍重再福州人與值再三辭而後受曰楊公之子何以錢爲嗚呼何恩於彼而懇摯若此乎此縉紳士大夫所不能及者也

先生臨歿謂楷等曰在甯三年無不可對吾民之事此心差可自安



柳州府君神象

柳州府君年譜

長男曾勗平苗氏恭編

弁言

府君諱道霖字仁山原諱楷字端書小字鳳生別號有子虛氏青神青萍西神劍客青神劍宦青神山農等年七十更字天民號龍隱姓楊氏楊本姬周叔虞之後自晉叔向食邑於楊是爲受姓之始二十二傳至漢太尉震字伯起世嘗尊之謂關西孔子云又二十一傳至唐宰相於陵字達夫居長安之新昌里卽家乘所稱新昌始祖也又十四傳至宋曰邦父者字晞稷吉水人以通判殉金虜難於建康賜諡忠襄遺塚金陵雨花台之麓其長子璿字伯璿寓臨安置屋無錫鴻山爲展墓中途休息之所子孫遂占籍焉於是尊忠襄公爲鴻山第一世祖自後支派蕃衍而吾新二派之寺頭支爲最盛又十八傳至清初文叔公諱英欲使兒孫輩便於赴學應試爰卜宅縣城夫子廟西側是爲遷城始祖曾勗之十世祖也九世祖左純公諱紹雍字鴻森候選州同知八世祖綱章公諱銘敦字鍾衡官河南湯陰縣有惠政邑誌有傳七世祖月川公諱繩淮署河南安東縣主簿六世祖蓼園公諱廷榕字翼南乾隆丙辰舉人壬戌進士官廣西藤縣臨桂縣五世祖耀亭公諱熾字子俊有潛德不祿高祖欣園公諱德垣字伯吹歷官安徽宣城銅陵太湖廣東博羅歸善新會知縣最後至廣東佛山同知嘗獨建惠山忠襄公祠曾祖文威公諱鉞一字問韓配曾祖妣顧太恭人生祖考秋苑公諱春池字夢連文威公年二十五

卒顧太恭人早寡有淑行下撫秋苑公至於成立當是時門庭衰微一線如縷垂今得不絕者皆顧太恭人苦志之力詔旌節孝人享忠襄公祠秋苑公官浙江海寧知州以清正忤大府旨去官配祖妣顧太淑人爲曾祖妣女侄庶祖母二曰仲太孺人陸太孺人凡舉十子三女府君於昆季中行八大伯斗柄二伯維楨三伯梓五伯模字範甫七伯楫字石漁暨府君並長伯姑適錢塘許幼叔姑適同邑秦皆願太淑人出四伯植字培甫仲太孺人出六伯栻字雲甫九叔相字浙生十叔桐及次伯姑適同邑顧皆陸太孺人出大伯二伯三伯十叔俱早殤五伯嗣從叔祖蓉塘公後謹按家世大概列諸簡端後從編年以次序府君之生平不孝生晚趨庭日短於府君之道德文章每苦不詳是譜蓋受之府君衰病中口詔者有之親舊稱道者有之而采自府君遺著中者又有之然此區區豈能盡府君之志事於萬一耶傷已

柳州府君年譜 上卷

長男曾勗平苗氏恭編

清文宗顯皇帝咸豐六年丙辰府君一歲曾勗謹案是歲曾祖妣願太恭人年五十七祖考海甯公年三十三祖妣願太淑人年三十六云

春三月初六日寅時府君生於學前里邸 府君甫生時祖妣願太淑人瞥見其額髮蓬蓬然如毛頭

鷹烏黑而有神采不覺喜愛之心油然而生矣曾勗謹案嘗聞諸宗老稱述祖妣於諸子中最鍾愛府君即府君之篤孝不匱亦非昆季輩所能企及是蓋天性使然當府君初生之時已有兆矣

七年丁巳府君二歲

八年戊午府君三歲

九年己未府君四歲

冬至日從同邑秦潛齋太夫子發蒙 春間祖妣親授府君認字至是始命隨諸伯入塾蒙師為同邑

秦潛齋太夫子時府君已識千餘字矣歲闌讀完大學朱子序文極柔熟也

十年庚申府君五歲

夏避髮匪亂隨家展轉渡江之泰州 春閏三月髮匪潰江南大營東犯丹陽提督張國樑死之於是

常蘇一帶震動時祖考海甯公服官浙江聞亂回里奉曾祖妣願太恭人挈一家大小僕媪二十餘

口避地依外家於北鄉張涇橋僦居某村相距里許府君年幼祖考常負劍以行夏四月無錫城陷

未幾髮匪踪至遂買舟駛常熟道出羊尖鎮天已向暮即泊鎮口大石橋下揭曉祖考進鎮薙髮終

食間忽兩岸奔者絡繹盛傳髮匪已至榜人見事急逕解纜行會祖妣惶惶然不知所措惟於舟中
向天叩頭泣禱既而祖考自後喘息來水淺岸高灘際蘆葦叢生乃攀緣蹲躍登舟兩掌盡裂血流
殷然維時髮匪裹紅巾已橫刀立馬大石橋頭矣府君曾目擊也方舟抵羊尖逃難之舟蟻集爭相
進橋泊鎮上河隘幾窒塞迨髮匪猝至橋外之舟咸得遠引在橋內者則無一獲免云比及常熟賢
斧已竭頓瀕絕境會錢塘許朗軒六表叔祖自泰州來會易謹案許朗軒六表叔祖名寶書爲二會祖姑之第六子其夫人即從會伯祖傳甫公次女時方任兩淮海州分司屬泰州後先伯姑適其子名篤儒力勸渡江會祖妣淒然謂曰家貧人夥江北異鄉奈何對曰有外甥在
無慮他也於是會祖妣從之出白茆口經通州呂四場折至泰州初無錫得髮匪東犯之訊秦潛齋
太夫子卽辭館去府君正讀大學知止而后有定一章後由祖妣親自教授嚴督一似塾師雖在頓
沛流離之際亦未嘗一日輟學也

附錄

錢塘許氏軼事三則

錢塘許朗軒先生家公稱之六表叔者是也咸豐十年庚申正月髮匪由皖竄浙杭垣告危先生時在兩淮海
州分司任次聞耗以母太夫人猶居錢塘原籍乃大驚急馳至江南大營謁提督張玉良請兵赴援會提督正
奉援浙之命但苦軍中無識途徑者先生抗聲曰某杭人可爲嚮導於是提督親統弁勇三千隨先生兼程行
既至城陷且六日獨滿城尙堅守未下先生一心惟老母安危爲慮不顧險阻乘黑夜踰城入抵家方知太夫
人已先期避居鄉間佃戶家因復悄然出既見太夫人卽日奉歸兩淮迨杭垣克復提督以先生有嚮導功欲
賚賞之而先生去久矣

朗軒先生夫人爲余從曾伯祖倬甫公之第二女倬甫公晚年貧乏長子早喪少子懦弱無足稱深以爲憂知許家尙殷實可圖緩急當夫人嫁時親送上轎喟然謂曰吾家望汝助也未幾倬甫公卒夫人弟益落魄曾王母顧太恭人憐而養之迨髮匪陷錫遂挈之走江北得晤夫人夫人留之數年且爲娶室亂平相偕回里出私蓄如千金置負郭田八十畝畀之以爲倬甫公春秋祭掃之資而每歲清明夫人必歸寧瞻墓數十年未嘗間斷倬甫公後裔之有今日皆出自夫人之賜夫人聆親一言終身不忘其仁孝有如是者

朗軒先生任海州分司時一日購革箱二置夫人房中爲母太夫人知之大不懌立召先生至斥其厚媳無恥以指甲力刮先生頰先生匍伏謝罪終不敢出一言致敗容諱病不見客有匝月之久

曩嘗謹聞先公言曰方我家避髮匪難至常熟費斧已竭幾陷絕境會許六表叔來以爲江北簡約可久居力勸渡江祖妣顧太恭人淒然謂曰異鄉無所託人復衆多奈何六表叔應聲對曰有外甥在無慮他也於是太恭人恃此一語而全家有江北之行其後皇考海濤公奉檄籌軍餉常昭間得稍稍補家用不足然在外凡四五年六表叔所惠亦多矣其時我纔五齡曾侍太恭人側親聆六表叔懇懇之言今日事隔七十年猶歷歷如在耳際錢塘許氏之德子孫世世知所感諸壬申二月之春一日先公詔不孝如此且授以許氏軼事三則不孝謹筆之所以志不忘耳歲月卒卒距先公之歿又已百十一日矣因纂輯先公年譜抄錄前記附於編年之後時維夜闌燈炮萬籟無聲追憶先訓不禁擲筆長號欲絕也癸酉正月初十日不孝長男曾勛泣記

十一年辛酉府君六歲

春三月遷興化縣治之高家莊賃武姓屋爲久居計 時家政由曾祖妣主之貧日不給常食粥雜以芋菽泰本大邑當江南被髮匪禍避難北來者麇集商賈逐利百物踊貴用是生計重困許家有差

官曰徐松山者興化之高家莊人來言其鄉僻處一切較城市爲廉且就近可多所照應於是有遷地之舉

祖考海甯公奉檄渡江籌軍餉常昭閭 自後海甯公月可寄家用十數洋蚨生計因得稍稍寬裕矣

從表叔祖願子久太夫子良讀 子久太夫子自澄避難來此會祖妣因延館焉府君每天未曙卽隨

諸伯起牀各據一小櫬列坐屋簷下透光處展卷誦讀至日出會祖妣親檢米膚之最精者爲餅餌

會勗謹案府君言曰此種餅餌江北土語謂之九子餅

以食諸孫人啖一餅始進塾日晡散學羣就內室一燈熒然圍桌夜課祖妣

手事鍼黹旁坐教督必使人人爛熟方已繼出研墨敗筆裹藥紙分授恣意塗寫盡數十頁而後入

寢往往至更傳三下習以爲常會勗謹案子久太夫子爲會祖妣之族姪也

穆宗毅皇帝同治元年壬戌府君七歲

四書卒讀 是歲府君讀畢四書實由祖妣親授者爲多

從族叔祖厚仲太夫子仁鏡讀

二年癸亥府君八歲

從同邑顧新洲太夫子昭讀 府君前嘗聆諸伯中有誦春秋者久亦自能默背及新洲太夫子教授

是經僅旬日間卽已卒篇矣

三年甲子府君九歲

夏五月亂平返里 先一年冬十月王師克無錫至是全家返里

是歲祖考於常熟書肆購得缺本漢書一部攜歸府君課暇常自翻覽頗能會意一日見書中有一夢字實爲堯字之誤刊因持以稟告祖考蓋已知所辨別矣

四年乙丑府君十歲

五經卒讀

從同邑周漱石太夫子世銓學周禮又從同邑許明遠太夫子宗慎習書法 吾家自亂後返里貲產

十無一存曾祖妣親自經紀暮年以還稍復舊觀於是月給祖妣零用費五千文祖妣悉以移供延

師束脩及書本紙張筆墨之需而自甘菲薄刻苦一似曩昔其時漱石太夫子年敬三十六千明遠

太夫子月涖館三日節敬一洋蚨也

五年丙寅府君十一歲

從同邑蔣可亭太夫子在鎔課時文 始學爲文極精密條暢之緻自後常隨同諸伯赴縣課試名輒

列前茅時可亭太夫子年敬爲三十六元也

會勵謹案當時無錫金匱兩縣月有課試凡青衿士子咸得與焉評定文之優劣分超特一二數等藉博膏火資耳

是歲祖考請咨赴浙歷辦鎮海塘棲盤捐局務

六年丁卯府君十二歲

從同邑錢海帆太夫子鏡清習制藝又從同邑侯蓉莊太夫子映奎學詩賦 時海帆蓉莊兩太夫子

年敬各爲五十元也

夏五月赴院課

會勵謹案無錫月課在東林書院故又曰院課

列超等第一名

會勵謹案是課試題爲葉公問政一節原文已佚

獲膏火資五千文是日大暑府

君因知祖妣性最畏熱故於歸途中特至衣肆以千文購蜀羅衫一領獻焉祖妣心滋樂也

七年戊辰府君十三歲

八年己巳府君十四歲

是歲始應童子試

九年庚午府君十五歲

從同邑嚴嘯巖太夫子雲梯讀 是歲祖考延聘嘯巖太夫子授府君及同母之五伯七伯讀另延聘

同邑王仰之太夫子元錫授庶出之四伯六伯九叔讀

十年辛未府君十六歲

嚴嘯巖太夫子解館改請王仰之太夫子閱文 當時家境原極艱澀兩塾師束脩頗不貲是歲竟無

法兼籌會祖妣深以爲憂府君因進言曰兩師盍辭其一示人以不重嫡而輕庶可留王師矧發奮

本在己耶曾祖妣然之嘯巖太夫子遂解館去由是府君自訂課程讀書益勤每作文卽就正仰之

太夫子爲之評定又嘗讀紫陽綱目午後燕息時輒盡一二卷反覆披覽數年不間

仿種古區田法 〔見府君甲寅五十九歲與當道書〕古傳區田之法某十六七歲時曾於後圃開

田方丈之地試行仿種清明播種如法糞耘秋收得穀一斗三升有奇按畝核計每畝可得穀十二

三石之數禾稈高五六尺莖大如葦每穗得穀二百七八十粒夏秋水漲之時禾已高長可不畏潦

秋時少雨其根入土已深亦不畏旱始知古法實可徵信惟下種須早不能有麥故於淤下圩田爲

宜仍可間種菜蔬成熟不至荒廢

十一年壬申府君十七歲

夏五月十八日曾祖妣顧太恭人卒年七十有三

游泮獲元 是歲府君應童子試以第一名入泮

會勵謹案宗師爲漢陽彭味之太夫子久餘文題入云則入夫子欲察其過一句詩題賦得風前竹徑斜得斜字古學題張融牽小舟岸

上住詩文俱已散佚矣

五伯六伯七伯亦同案游庠一時傳爲佳話先是曾祖妣病中嘗夢諸孫背向立覺乃嘆

曰吾殆不獲見諸孫之有科名矣至此果然 〔見府君履歷摺〕江蘇無錫縣附貢生

十二年癸酉府君十八歲

夏四月十一日夜夢神示有悟 〔見府君備遺忘集卷二同治十二年癸酉記事〕吾鄉於四月十

一日設恤孤會蓋咸豐十年粵匪破錫之日也是日與王顯屏等同游崇安寺看道士施食於三官

殿二鼓始歸家臥後夢一老人謂曰人家事神宜敬之人家事鬼宜避之餘亦不復記憶醒後覺其

言深有意致因述之父思齋先生思齋先生曰是殆三官有靈耶始吾亦不信緣汝兄大寶病喉死

後我適亦病喉意頗危懼夜夢一人作道士裝爲吾針手指覺甚痛問其名曰三官及醒病已霍然

矣汝宜遵凜此言此善言也余思昨在三官殿中頗議論三官不列國家祀典何以隨處奉祀惟謹

不覺惶然如有失

秋試未售 硃卷已出房且爲薦卷乃竟被遺

九月十五日始從事邵陽魏氏之學 〔見府君同治十三年甲戌九月初六日記〕自癸酉九月望

日起圈皇朝經世文編一部至三月十七日畢會賜蘆案府君一生經濟實得力於邵陽魏默深先生源之學為多此其肇始也

兼致力於左圖右史之事

〔見府君同治十三年甲戌十月二十六日記〕生少時頗喜讀史觀列

代盛衰興亡之故

〔廖養泉太夫子綸眉批曰〕欲知盛衰興亡之故非熟讀論語胸無定見也

亦稍開拓心胸而終不能觀天下之全勢去秒闕

後因日手一圖與諸史書相對看頓覺明晰今已一載有餘矣大約五年可以稍有頭緒故不忍廢

棄

〔廖養泉太夫子綸眉批曰〕古人之左圖右史圖與史並重可知

十三年甲戌府君十九歲

春正月著備遺忘集

〔見府君是年九月二十六日記〕凡可作座右銘者及讀史恐其遺忘者或

偶有議論考據質疑皆別有摘本

〔廖養泉太夫子綸眉批曰〕善讀書者

備遺忘集自序

夫巨簡偉文積於獼祭片辭瑣事著為麟書古人有作必己所心得者筆之書而傳之後人某也蠢愚敢云望此不過供几席之瞻玩備風月之觀摩手自抄錄成爲數帙固不能傳世亦萬萬不敢冀其傳世也甲戌燈節時已二鼓偶閱及之率書序以誌之

從邑宰巴州廖養泉太夫子綸習性理之學復問業於同邑薛季懷太夫子福保最受知遇

巴州廖

養泉太夫子綸來宰吾邑

會賜蘆案養泉太夫子係出倭文端公仁之門文端於咸同間世稱理學名臣者也

是歲主講程朱之學於東林書院並延聘

虞山楊濱石太夫子泗孫秦臨士太夫子廣彤分任教授月凡三集以小學近思錄爲本府君從而

習焉沈潛默識身體力行同儕中年事最少而能獨得其宗養泉太夫子極器重之

會賜蘆案吾邑理學之風自明顧高諸賢

結社東林以還二百年已成廣陵散矣養泉太夫子熙載會易講上海龍門書院推尊程朱精邃

子重為昌明一時士林所歸風氣為之丕振云

又嘗師事興化劉融齋太夫子講上海龍門書院推尊程朱精邃

世名儒及朱雪塍太夫子儀訓由是性理之學益見參澈間復問業於同邑薛季懷太夫子福保會易

季懷太夫子嘗游平遠丁文誠公寶楨幕文誠之誅太監安得海季懷太

夫子實從中主之最大力蓋其才識卓犖有如此著有青萍軒集行於世

彈心誘導最受知遇

試行畜牧 「見府君甲寅五十九歲與當道書」於春時社集以錢四百文購初生羔羊牝牡兩頭

至秋八月時孳生三頭每年孳生兩次計二十六個月得大小羊三十九頭兩頭尪瘠恐其害羣亟

予除去計大牡羊宰食三頭售去五頭因隨任赴浙悉數盡鬻鄰賈共計收錢二十七千七百文羊

惟食草無須喂料家僕一人兼司牧放其利不費較牛馬豕為豐而皆能有利

夏五月庭訓知戒 「見府君備遺忘集筆記」同治十三年五月余上書廖公綸論金匱利弊言多

激烈父思齋先生見之不悅謂非載福之道斯時凜然若冬水之磧面不勝跼踖昔那文毅公少時

其父謂爾執法時何如用刑文毅對以法當其罪即大怒呼杖曰敗我家者此子也文毅長跪請教

徐曰有十分罪用七分刑民已不堪況用刑當其罪乎文毅受其戒卒為名臣嗚呼為小子者可不

慎之

六月初一日起始作日記

府君日記弁言

夫自欺之學自好者不為矣然可記者記之略其不可記者則猶弗記耳人即聖人不能無過更不

必諱過「廖養泉太夫子綸眉批曰諱過是自欺」是記故直書之使清夜中多一警惕之時即清夜中少一枯亡之境如是

而已至其文字之雅俗議論之閱博非所尙也是記以求放心爲主自六月初一日始

冬十一月祖考修輯鴻山宗譜府君與諸伯叔奉命分董其役

德宗景皇帝光緒元年乙亥府君二十歲

聘嫡妣劉淑人 淑人姓劉氏武進人爲外王父容深公諱濬長女時容深公正知浙江孝豐縣事也
秋闈再報罷旣歸而病 府君居恒深以親老家貧爲慮頗思博取科第爲父母榮是秋鄉試再報罷
及歸得失眠之症每徹夜目不稍合如是者兩閱月自後可小睡一二刻旣醒則不能復入寐矣府
君稟性最強日間飲食讀書如平時未嘗語人有疾蓋恐貽親憂也

日記至是年八月十七日止因病輟作

是歲祖考服闋返浙

二年丙子府君二十一歲

夏宗譜成爰借聖廟東之文昌閣爲養疴地凡歷三閱月 是歲府君所患失眠之症已覺稍愈惟在
中夜猶常易醒耳其夏宗譜旣成爰借聖廟東旁之文昌閣爲靜養之所是處去宅東可百武一閣
高峙明朗幽暢晨往夕歸往則跌坐怡神間亦讀書習字身心俱適竟忘卻爲養疴來矣凡歷三閱
月及冬始不去而病亦尋失

三年丁丑府君二十二歲

春二月祖考卽眞知海甯州事因隨侍之任 初海甯公籌軍餉常昭間合肥李鴻章正巡撫江蘇其

幕僚有高公者頗爲合肥所器重高公識海寧公有循吏才嘗數舉於合肥厥後海寧公敘功以知州用請咨調浙高公皆與有力焉高公名梯字雲坡贛之廣信上饒人也至是海寧公受知於中丞梅公小岩始得拜海寧之命

三月嫡妣劉淑人來歸 時外家僑寓杭垣府君因就婚焉閱十二日始迎返海寧

四年戊寅府君二十三歲

從海鹽朱鏡香太夫子泰修講究經世根柢之學 鏡香太夫子時正主講海寧安瀾書院浙之宿儒也

五年己卯府君二十四歲

著平夷三策 是歲日本夷琉球爲沖繩縣府君知其方輿未艾異日必爲中國大患爰作平夷三策原文已散佚矣

六年庚辰府君二十五歲

春正月海寧公罷官挈家僑寓杭垣 浙撫梅公性最耿直是以海寧公臨官兩年沈澁一氣上下相得未嘗稍有間言及梅公去任繼之者鄙劣闖茸海寧公遂因民事數數忤旨矣州署後園植一老柏下有小廟甚古舊相傳極靈驗歷任州官每朔望必奉祀之不忒是歲元旦海寧公詣廟行禮循例也府君曾隨侍在側因見海寧公虔誠以任事去留卜諸神得七絕籤詩一首其三四句曰長安一去雖然好勸君收拾早還鄉未幾大吏竟借催征不力撤令回省察看此籤驗矣

會勗謹案府君晚年頗思再至海甯一謁州署後園之小廟然迄未能如願不孝時見府君每誦及長安一去雖然好勸君收拾早還鄉之句輒為哽咽不歡者累日

七年辛巳府君二十六歲

海甯公有疾是歲全家返里

八年壬午府君二十七歲

秋七月十六日丁海甯公憂 海甯公卒時年五十有九

九月十五日著思齋先生治甯遺蹟三十二款

會勗謹案思齋先生治甯遺蹟三十二款已見前

請銘於澹如秦公

會勗謹案秦公名細業同縣人工詩古文

辭著有虹橋老屋集傳於世

附錄

皇清誥授中憲大夫四品銜原任浙江海甯州知州秋苑楊君墓志銘

誥授資政大夫二品頂戴鹽運使銜前署浙江鹽運使候補道同里秦細業撰文

賜進士及第 誥授奉政大夫 記名御史翰林院檢討前翰林院編修安化黃自元書丹

誥授奉政大夫 賞戴花翎分發補用直隸州知州武進何嗣焜篆蓋

君諱春池字夢蓮號曰秋苑無錫楊氏曾祖熾 贈奉政大夫祖德填廣東佛山同知父鉞諸生 贈中憲大

夫母氏顧為謙塘先生女 封恭人 詔旌節孝君少孤一秉母訓委己於學屢應童子試不售入貲為布政

使理問需次浙江有年奉檄赴蘇適金陵賊下竄逼無錫君挈家渡江以避亂凡族之叔伯兄弟率依以行貲

告匱弗顧問既而縣果陷楊族多免於難胥君力也浙杭一再陷賊會今相國合肥李公來撫蘇軍滬上規復

蘇常檄君權常昭釐稅商民感之完釐有加軍餉以濟絀功以知州用旋回浙仍辦鎮海塘西湖州等處捐局

在塘西時丁母艱歸服闋逾年補海甯知州則光緒二年丙子也其明年春莅甯君性仁恕爲治不尙威嚴與民如父兄之於子弟苟有過不加撲責而反覆開導之人亦丕變逾數月獄訟簡少君願而樂之曰是足與吾民相安矣其他善政如興積穀勸課士改石塘固不可以枚舉也杭嘉湖漕甲通省州縣類以催科爲能君不令而民之輸納恐後籽粒圓潔爲是歲浙漕之冠當事嘉之保四品銜君初不自言也越己卯夏旱君雖步禱得雨并引湖水以灌之稻已受傷補救無幾而額征如故民遂未能踴躍如前歲矣於時大吏方按勘荒田疑官有侵冒征求益亟君曰田有荒熟歲亦有豐歉吾不敢以熟作荒亦奚能飾歉爲豐耶旣自蠲數千金償正賦猶不足檄催日數至君於是喟然曰民力竭矣吾力亦竭矣謹當延首以待白簡耳卒去官州之縉紳耆老以君爲民受過欲連章請留君婉謝之送者自州至省不絕迄今已二三年余偶遇州人士論及先後長吏必推君爲首且深以未得還我使君爲憾有齷然流涕者是可以知君矣方今浙西州縣類困於南米南米者以供駐防八旗兵糧例需折錢官爲糶米以應之米賤時率以兩石價當一石由首府以上諸將軍分毫不敢拖欠官乃重困其愿者甘毀其家以幸無罪黠者則吸膏搜髓諄征哀歛而取盈焉吏治之壞蓋至此極矣大亂初平元氣未復知治本者自當以撫字爲先催科爲後治行如君所謂安靜之吏愜愜無華日計不足月計有餘者果能得君輩數十人分布各州縣必有政簡刑清之效浙事其庶有豸乎乃不惟無以荐寵之而反廢斥之於是君遂不得復任且奏參以府經歷降補矣實則君離甯邑兩載因病假旋劾之者并未識其面也噫舉措若此固不獨一省吏治之所關亦有人心世道之憂也已君近病喘及蹇已無復用世志竟以光緒八年七月十六日卒於里第春秋五十有九娶顧恭人妾仲氏陸氏丈夫子十斗柄維植梓及其季桐皆早殤植模諸生模出後從父杖廩生楫優貢生候選訓導楷相亦皆諸生女子三今於是年冬十二月某日植等將葬君於青山灣君諸子皆有文行而模楷尤喜爲古文辭以交君久知君深者莫余若爰手君狀及楷所爲治甯遺蹟來請銘銘曰

漢重循良與民休息入爲三公用彰有德今也不然政尙綜覈吏以能名是謂民賊愷悌楊君太和胸臆蒲鞭在懸矧用培克宜揚君 廷以風凡百胡拂彼心不寢而効日月不居遽就冥豸州人相弔爲君痛惜青山之陽羣此幽宅後有史臣請脉茲刻

二十五日草檄驅邪是夕鬼去 先是府君有同門孫姓者家住邑之南市橋旣婚而卒其婦孀居悒鬱遂得鬼症傳爲五通之類支離牀第間無復人形一日忽曰頃與某處宴飲雞卵線粉味甚美乃張口作吐狀下纍纍物果如所言好事者往某處覘視正在禳鬼也其怪異如此自是崇益厲巫醫百方驅治終無效其左鄰張曉帆先生與府君稔見聞甚確爰走相告府君爲之義憤填膺立草檄聲討授使持去焚於孫婦閨闥越日張來云是夕鬼至及門若有所覺不敢入徘徊移時恨恨而去後遂絕婦病尋亦霍然輒舉以語人云宗老所述如此

會易謹案會易於先遺書笥中檢得紅格抄本一冊內有驅邪檄文一篇卽爲孫婦得鬼症事文末書光緒八年九月二十五日下有小註是夕鬼去四字蓋與宗老所言可資引證也

驅邪檄文

照得邪鬼干人律所必究況在婦女法更難容查醫書所載肝家受鬱其病恍惚妄有見聞豈嘗有鬼疾則爲之惟病爲情之不舒邪卽乘之而入淹纏既久病益支離巫覡所傳容有其事見聞旣確義憤填膺同門孫某兄生前爲學篤實純良不幸天奪其年未克成就孀妻弱質寂寂閨闈凡在同氣之親孰無矜憐之意豈容邪鬼得肆兇鋒法令所干理難曲宥今特聲明其罪鳴鼓而攻姑寬已往之辜開爾自新之路限爾卽日徙避他方倘彼疾之未除卽爾罪之難追方今聖天子在上神靈

奉職日月昭臨邪慝潛消皆歸於正嗚呼善緣天上勉爲來世之人附祀社中不失太平之鬼爲賞
爲罰有以相待從善從惡惟爾之爲言盡於此爾其聽之倘蹈前愆爾其無悔切切特檄光緒八年
九月二十五日〔府君自註〕
是夕鬼去

冬十二月治海寧公喪 海寧公之喪秦公澹如挽聯曰宦海本無常百里頌聲今未已善人宜有後
一門才子古來難華公邃秋挽聯曰教子有方克承正學居官不耐只拙催科海寧某紳挽聯曰來
憩召公棠百里同瞻清白吏歸栽陶令菊一官肯戀軟紅塵皆紀實也
九年癸未府君二十八歲

春始議外食 治海寧公喪既已其時一家食指繁慮贍給維艱於是府君與諸伯叔議分謀外食藉
資事畜先是有姻戚曰馮仲之者常郡人方官粵東學政擬往就之鄉前輩朱公友三正以翰林在
籍曾爲修書先容嗣得馮復但云遇機再當延攬事遂不果馮氏之兄伯聲先生爰語府君曰人之
出處自有定數毋須亟亟於一時也府君深韙其言

定期北投同邑叔耘薛公福成天津

會曷議案薛公叔耘爲季懷太夫人之兄
時正在北洋大臣李鴻章幕中主辦文案

文友羣相贈行賦詩謝之

余有津沽之行叔固湘臣各賦詩贈行岐臣爲作望雲思親圖以贈深感其誼賦詩留別並志謝意
鬱鬱不自得行將奮翮飛登堂別母時涕淚沾裳衣昔歲遭失怙墓木猶未穉母年六十三捨之當
遠離非敢有大志聊以救輞飢接物貴誠敬豈必權與奇慎守金石軀毋負良友懷悲風從天來淒
絕摧肝脾歸途在冬暮執手今有期願憑雲雁翼得慰長相思

三月北上佐天津道幕 初庠君既定北投薛公叔耘天津以未有川斧爰告貸於外王父容深公得五十金適嫡妣歸寧分與二十金餘則自攜以行同伴有王顯屏寶又英兩先生會易謹案王寶兩先生俱爲薛公叔耘之姻戚道出申江見逆旅主人與一客互鬩甚劇詢知客爲閩籍投親未遇負主人資數金倉卒無以應而主人追索不稍讓且下逐令正相持問於是府君慨然爲之排難解囊清其逋始未嘗自計所有固亦淺淺而此行得失又不可知也是月十八日循海至津下榻始興棧時囊橐中僅餘三洋蚨矣是晚晉見薛公具陳來意薛公囑稍待當爲圖之翌日會新簡天津道宣城景韓劉公樹堂抵任既拜北洋大臣隨訪薛公薛公卽爲府君道地且曰楊某爲予通家子年少有才略可謂難得劉公應曰頃正缺一好手楊君大佳遵當羅致是夕薛公遣使走告次日劉公飭弁餽聘書一通聘金四兩至又明日府君往謁劉公劉公謂曰旅館頗費可移來此間居住越日府君遂遷入道署計初抵津至事定纔五日而囊中餘貲猶未罄云府君佐劉公幕月敬爲十元節敬爲四元也

追記柳州公奇夢

柳州公未第時嘗於光緒癸未之歲游幕天津一夕夢至一所如仙山樓閣金碧輝煌盡極瑰麗中門懸橫額曰步履春旂之府讀至旂字不之識彷彿躊躇者移時復見旁綴一聯曰世事無如春富貴天心最好月團圓既而信步入則長廊曲折屋宇連衡結構精巧不可殫狀比覺猶歷歷縈心不稍爽因疑旂字出處檢字典始知爲旌字之古文也此事公會語及通甫大叔他人固不知云蓋公自夢後八年辛卯翌年壬辰鄉會試聯捷成進士以主事籤分戶部又十五年外放廣西柳州府知府任二年而罷不三年清社墟矣其一生遭遇如此乙亥除夕勗與大叔聚首白下爰承見告且謂推測夢境公之功名貴不可言豈僅止進士知府已耶雖然勗

亦竊有說焉夫叔季之世氣運已歇易曰君子道消小人道長要言其無可挽耳公之不得行其道也二天也夢之驗不驗又何與哉時公歿已四年矣於是泫然和淚而書之丙子元旦曾勗泣記

秋八月十八日長姊曾馥生 是時外王父容深公正知浙江石門縣事嫡妣歸寧因誕生長姊於縣

曾勗謹案長姊字桂君

冬十月南歸 是月劉公去任府君亦南歸

澹如秦公品題梁溪七子府君其一也 七子者府君與範甫五伯而外尙有華若溪鄧似周夔葆良

秦叔固秦湘臣諸先生秦公各品以詩題曰梁溪七子詠其題府君詩曰仁山有豪氣虎小堪食牛

書生抱孤憤誓欲清海陬

〔秦公自註〕數年前君嘗作平夷三策

推倒一世傑高臥百尺樓長公才如海子豈弱子由

〔秦公自

十年甲申府君二十九歲

春游幕寧波 是歲薛公叔耘簡放寧紹台道與府君書以文案相聘於是有寧波之行

是歲有常平桑之計劃 〔見府君癸亥六十八歲所撰勸辦錫邑常平桑末議〕余少壯時嘗有常

平桑之計劃思置田十畝多種桑葉長成臨時緩行出售待至蠶事三眠桑市緊漲之際始行開剪平價賣出在己未嘗無利而蠶戶不致有傷實爲兩益蓄之三十餘年

十一年乙酉府君三十歲

春法夷寇鎮海府君建議擊之惜諸將喪膽竟不敢動 〔見府君光緒十九年癸巳上鄂督張香濤

制軍書」當南洋兵輪援台灣也遭法船逆擊收入鎮海澄慶馭遠兩船進石浦內洋法船已不能至而將士喪膽先後自行沈沒其船相率登岸法船踵至鎮海復往來游弋吳淞馬蹟洋面謀截江蘇漕運嘗有木質大黑艦長泊平山金塘之間距鎮海蛟門不足十餘里彼此相望料是屯積煤糧之船初有兵船一二更番迭爲護衛久乃益懈兵船常數日不至時海口內南洋開濟南琛南瑞三船及守江元凱超武兩船皆係精快砲艦楷時建議密候法兵船他往猝以五兵船出注擊黑艦但得沈其一船足償澄慶馭遠之失使西人不敢輕我而諸將喪膽相顧竟不敢動坐視機會失去豈不可惜

譜光緒通商列表倡聯俄甚英之說 「見府君甲寅五十九歲與人書」從薛叔耘先生福成至寧波佐辦文牘始取歷年海關通商貿易總冊極意研究著光緒通商列表時光緒甲申乙酉年間風氣全塞嘗往來寧滬多訪商號耆舊往復辨論其人皆胡光鏞之徒從咸豐九年上海設關通商起手所有華洋出入貨價盈虧之數及商業盛衰稅鈔旺減情事皆得之親睹所言最確復與寧關委員李圭詳加考證時詢之稅務司康發達如此兩年益悉通商利病所在左右逢源獨有心得觀於乙酉通商貨價出入比較英國贏銀三千八百餘萬合之俄美諸國補入中國之銀一千五百餘萬中國共虧銀二千三百餘萬深憂吾國漏卮日多十年二十年後將不可爲國時俄方議建造西比利亞鐵路未定頗議聯俄使之盡力圖英規取印度益謀土爾其令黑海兵船出地中海分其兵勢附之敘論至遠東鐵路既成則局勢已變計不可行矣 「又見府君丁巳六十二歲十二月初一

日與人書」當光緒甲申乙酉之歲某從薛叔耘氏於寧波查閱署案始得歷年海關貿易冊從咸豐九年上海開關起始初係洋文至光緒元年始用華文每年一冊由總稅務司訂定分送關署存案薛氏在北洋襄辦洋務十年未知有此見之驚異因與李小墀圭錢念劬恂共相考校有疑未曉達時質之寧稅務司德人康發達更至滬詢之胡光鏞及其徒楊遠香葛采繁皆耆長開關時在滬經營商業親見華洋稅貨出口進口來往本末言之歷歷如繪凡兩年而始行通貫某於是有光緒通商列表之作自元年乙亥至甲申凡十年錢氏通商綜覈表增入至丁亥凡十三年李氏復譯出補入海關洋文前冊自咸豐九年己未起至光緒十六年庚寅止歷凡三十二年爲中國通商海關稅貨出入列表先後行世閻文介長戶部令司員按照列表每年續編一次接敘至十七年而止至今士大夫家考求海關通商貿易冊人置一編風氣已開利害顯見蓋權輿於此

十二年丙戌府君三十一歲

夏六月所著光緒通商列表一卷成自爲之序刊以行世
光緒通商列表序

曩余弱冠一日在塾課文畢先君子呼而語之曰女知治天下之道乎夫治天下譬猶作文而已首重謀篇而後命意命意既得而後修辭諸葛武侯未出隆中而定三分之策所謂謀篇之善者也持是以推古今興廢之跡其失之者寡矣小子謹識之未嘗忘乙酉余兄石漁雅游甯波余實與偕是時中法連兵勝負久不決大吏籌卒餉仰屋無計竊憤中國地博物瀚富強之資而孱弱已甚相與